

晚

晴

移

詩

匯

晚晴彙詩匯卷一百四十五目錄

宋晉 三首

何彤雲 三首

許彭壽 一首

馮培元 一首

李杭 十首

王柏心 十三首

馮譽驥 十二首

邊浴禮 十九首

方濬頤 五首

曾詠 一首

孫壽祺 一首

張修府 十首

李映葵 三首

恩霖 三首

汪錚 二首

林昌彝 三首

譚瑩 三首

陳克家 十三首

錢炳森 三首

袁梓貴 四首

周元圭 二首

晚晴移詩匯卷一百四十五

徐世昌

宋晉字錫蕃號雪颿溧陽人道光甲辰進士官至戶部  
侍郎有水流雲在館詩鈔

過七里壩望釣臺作

萬笏拱危石孤臺瞰遠江星猶臨帝座天爲築魚缸祠廟  
論終古功名駭急瀧清風如未遠瞻眺拓蓬窗

張良哉農部邀同杜繼園同年筠巢前輩潘星齋前  
輩陳小舫同年讀畫小集

老樹當窗記兩株燕公池館未全蕪高名已入先賢傳雅  
集重來舊酒徒漫說處堂同燕雀可能歸棹問蓴菰知君  
家法荆關在乞寫今朝主客圖

題葉潤臣侍讀太常仙蝶圖

我昔鼓棹珠江游，緣慳未得登羅浮。於今十稔住京國，悵望仙蝶空凝眸。凡骨自知緣分薄，招致更苦無蹇修。漢陽相公忠孝裔，勳業方與房杜侔。介弟絲綸推巨手，尤親風雅耽唱酬。老仙自是有夙契，頗與君家相綢繆。牙門森森羅棨戟，翩然來集湘簾鉤。平泉舊第富縹帙，茗香欲醉依清鷗。乾坤游戲輕一粒，往來倏忽徧十洲。寫圖異事相豔說，傳神如帶春風柔。夢幻直欲嗤蒙叟，文彩久已薄魏收。栩栩云是碧血化，以五百歲爲春秋。方今蚩尤霧尙熾，沙蟲猿鶴悲紛揉。花枝空復恣蜂螯，煙波無復眠鷺鷗。欲呼仙踪問浩劫，毋乃世界等浮漚。太常清齋永朝夕，隱現非可常意求。飄飄凌雲我神往，披覽宛若眞形留。衡茅儻荷

一顧寵薰沐要當三日休仙乎莞爾不可接謂汝鵝翼非  
吾儔

何彤雲字廣卿晉甯人道光甲辰進士改庶吉士授編  
修官至戶部侍郎有矢音集廣縵堂詩集

韓侯嶺

漂母哀其生呂后快其死咄咄韓王孫命繫兩女子死生  
事則殊同是真知己項王一婦人卻不識國士堂堂蕭鄴  
侯薦賢意良美何哉鐘室死一言不爲理惟聞給入時禍  
因丞相起酈寄賣友人得毋君倡始

黑龍潭古梅歌

寒潭黑蚪老不死偶向潭中攫雲起雪深霜厚忽僵立萬  
點驪珠綴花蕊清芬微動月皆香古幹屈蟠鐵難比天荒

地老不知年彷彿傳聞自唐始唐家鐵柱支炎天荆榛久  
沒蠻中煙玉斧劃斷梁益土冷落又閱三百年此時靈虬  
在何處抱珠想復潭中眠時平神物再出世騰拏依舊蟠  
蜿蜒從此花開有常歲歲歲天地春先旋嗚呼和羹自古  
須此材蒟醬乃使西南開金馬去已久碧雞不再來餘此  
一樹好枝格不知幾生始修得莫更踴躍變化入潭中使  
我華山昆水無顏色

述懷

平生豪氣過元龍差喜年來戰勝功談笑已輕黃鶴子行  
藏欲問白鳧翁春風楊柳維吟舫秋水芙蓉理釣筒迴首  
流光三十載茫茫今是昨非中

許彭壽字仁山錢塘人道光丁未進士改庶吉士授編

修厯官內閣學士兼禮部侍郎銜

詩話仁山供奉南齋咸豐辛酉撰進春帖子有云七  
萃承恩扈六飛蠲租何止徧郊畿春風楊柳依依日  
天保歌餘歌采薇蓋其時駐蹕灤陽  
中原多故日盼捷書故其言如是也

寄表弟項少蓮時司訓建德

儘多名士畫牢丸  
薇省猶供苜蓿盤  
清瘦自憐同鶴態  
羞珍何苦膾龍肝  
性成薑桂終嫌辣  
骨傲風霜儘耐寒  
我寄浮生隨處好  
幾時同隱釣魚灘

馮培元字因伯號小亭仁和人道光甲辰一甲三名進士授編修厯官光祿寺卿湖北學政殉難贈侍郎諡文介

自題畫梅

東風吹暝到南枝  
殘臘初回日漸遲  
晚節自能留歲暮  
清

名久已畏人知。崦西山遠，花成海湖。上春寒鶴守，祠茗椀。  
鑪香新位置，手拏殘萼，插軍持。

李杭字梅生，湖陰人。道光甲辰進士，改庶吉士，授編修。  
有小芋香館遺集。

送周荇農北上

抵節休歌行路難，出門一笑向長安。天迴八極風雲壯，江  
走孤篷雨雪寒。韞玉舊曾傷卞璞，斷犀今合淬吳干。嘲啾  
燕雀渾閒事，獨立蒼茫振羽翰。

窮邊回首莽神州，濁酒難銷壯士憂。滄海鯨鐘鏗碧浪，大  
江鼙鼓動高秋。懷才世已思安石，獻策君真過馬周。休笑  
書生無骨相，請纓從此覓封侯。

江上晚眺

暝色野無際江皋人未還  
亂流孤浸日寒樹遠沈山沙晚  
羣鷗靜天空一鳥閒滄浪有漁子乘興欲追攀

華陰

名山笑人不肯住斜日荒荒過華陰  
正憶往時釣鼈客蹇驢破帽來行吟  
縣官麾之拂衣去酣歌獨抱千秋心  
予亦飄然發幽意羣山萬壑寒雲深

月夜望西山和王子壽

清秋縱遠目微陰暖林郊晚來氣澄霽  
始覺天宇高涼月空際生閒雲亦飄搖  
城端見西山秀色橫  
嶠巒巖巘尙未躡松桂久見招雖非  
山中人心曠理自超  
眞賞信多佳物役焉足勞  
緬然想儔匹登臨發長謠

聞侯官林公入關志喜

去國三年勞成役營田萬里畫邊屯忽聞優詔來丹極已  
報生還入玉門故郡正思庸魏尚謫居未忍老虞翻共知  
明慮由天斷早獻訂謨慰至尊

石門遇陳頌南丈

補闕聲名久經年消息稀遭逢向江路歎息解朝衣汲黯  
能言事朱雲已放歸終懷報國意迴首望端闈

三直行

高要蘇子廣堂晉江陳子頌南臨桂朱子伯  
韓同時官臺諫有聲蘇子旣憂歸未出陳子  
朱子復相繼還里余  
聞而感焉作三直行

秋霜蔽野冥鴻飛琅玕不實朱鳳飢浮雲北來魏闕迴憂  
國流涕荒江垂憶昔中朝樹風烈閩海崢嶸起魁傑三賢  
接跡冠惠文四海直聲聞補闕高要倣儻神骨奇辭氣侃  
侃無喔咻抗言剴切論災異天子動色為嗟咨晉江通經

意消厚擊斷羣蒙勤納牖排天一上張綱書勳戚聞風皆  
斂手臨桂執節何觥觥雅歌駿肅韶鈞鳴每當慷慨引大  
體能以委曲通精誠天門蕩蕩不可測左龍右虎環紫極  
優容屢荷皇天鑒獻納終慙侍臣職殿前清要難久居先  
後歸閒謝朝籍拂衣去矣來何時瞻望皇居意悽惻嗚呼  
黯鮑不易得臺端列柏無顏色八閩之山窈然深嶺南瘴  
雨橫層陰蒼梧日落黯萬里灘江水碧寒沈沈使人憶此  
生愁心海邊煙塵暗鄉縣黔首流離困徵繕昨聞河洛又  
苦旱况復西陲尙酣戰至尊側席誰分憂經濟實賴羣臣  
謀虞翻去國豈終老賈生被放行見收時危志節徒激厲  
歎我欲濟無方舟還朝建策望公等焉得雲卧甘林邱

酬子壽見懷

疎拙違時會沈淪想異才我方餌芝朮君尚卧蒿萊文字  
江關隱黜名鬢髮催龍淵勤拂拭莫但委浮埃

秋迴孤雲倦山深暮雨多經年忍留滯良會惜蹉跎契闊  
勞傳語優游暫養疴春波動江漢命棹儻來過

王柏心字子壽號螺洲監利人道光甲辰進士官刑部

主事有漆室吟百柱堂詩子壽詩鈔螺洲近藁

詩話子壽學識過人有國士之譽詩少宗王李既乃  
變化雄麗深博探源漢魏軍興以來感時書事引古  
喻今汪洋恣肆別開門徑直上奪少陵之席天寶後  
無此作也嘗論漢魏唐宋明之詩各有從入之途漢  
魏從興入故離合往復其旨最遠唐人從聲入故抗  
擊疾徐其調最永宋人從理入故切近詳密其趣日  
新明人從格入故俯仰步趨其變易窮云

漫興

江上秋行盡愁心向落暉歲豐農轉病兵久捷何稀燠候

無周葉暄陽未授衣天心寬肅殺安可測元機

獫狁狂難制吹唇沸地來烽連賈傅宅矢集定王臺尙遣  
游魂騁徒聞爨骨哀六旬圍不解誰抉陣雲開

仗節專征討連營授指麾封侯原自易報主不應遲屢蹈  
多方誤頻聞左次師明明誅賞在皇斷豈能移

山澤多亡命紛然劫庫兵鷹鷂無搏擊蛇虎遂縱橫吏道  
猶多雜征徭或未平願求龔渤海盡化盜爲氓

寇亂何時息人才此日艱干戈悲老至江海愧身閒北極  
尊長拱東溟勢盡環凶渠須自縛萬一貸苗頊

青雲行寄袖石太史孝鳳兵部潤臣展雲芝房三侍

讀

故人在青雲天上五色鸞爲羣野夫卧碧山乍可放浪漁

樵閒碧山忽墮青雲書經年曾未答瓊琚誰料碧山邇烽  
火羌村同谷無定居自從盜起亂嶺表乘虛突犯三湘道  
秋來又報潭州圍氣蹴雄城愁欲倒先帝末年嘗厭兵嶺  
海盜賊潛已萌疆臣稍稍置不問曠野虎兕來縱橫古時  
牧守任將帥今時將帥直兒戲么麼鼓行不能制此事爲  
憂恐非細山谷暴桀如蠶屯盡倚粵寇爲本根斫吏盜庫  
敢僭署嗚呼禍烈難具論頗聞戍卒利剽掠有司不免肆  
徵索野夫感時涕如雨身賤無由叩天鼓回首青雲有數  
公退食浩歎將無同曷不陳此區區忠大修賞罰問疾苦  
羣盜立化爲耕農將得力牧相風后陛下鳴名天地壽魏  
巍中興功不朽青雲客問碧山叟嚮者杞憂復何有

苦雨散愁

今年芳信帶林端寂寂山園意少歡黃鳥隔籬窺徑溼白  
鷗將雨送春寒坐銷清晝繙書倦起挾浮雲拔劍看自酌  
芳尊留客住風波湖上放船難

張軍門歌

哀張殿臣軍門也

登壇者誰先潰奔戰死獨有張軍門軍門奮跡起羣盜能

以赤心酬主恩桂林侍御精鑒裁

軍門初為劫盜後詣大營降則桂林朱伯韓侍

御實

主之川西老將能用才

謂向

軍門朝為偏裨暮作帥少年拔起

當河魁張家黑幟威名壯驍賊見之魂魄喪單騎親突萬

軍中火箭橫飛接馬上

能於馬上接火箭

力復江淮數十城全吳

不覩烽燧驚下令恤民專殺賊壺漿夾道皆歡聲去年建

策修長圍壕塹三重斷走飛檻中窮獸日夜泣翹足可展

犁巢威蒼鷹奮擊不受繼駿馬脫銜疾電掣閩外進退孰

專決坐恨庸才制雄傑奔星去秋犯斗牛

去秋九月二十  
二夜有奔星如

月犯牛斗  
主吳越

春雪寒飛三尺厚壞雲如山宵壓營軍門

裹劍劍在手格鬪未已俄喪軀雄師十萬骨亦枯豈惟精

銳飽豺吻天柱長城今則無吁嗟乎國家羅致文武士奇

才翻自綠林起天生忠孝好男兒不遣功成先戰死白門

悲風夜不止怒激江濤歎海水

### 夷陵立秋

山城猶未散炎蒸坐看中宵轉玉繩天上捷書傳北極人  
間秋色下西陵漫游江海成長往垂老乾坤喜中興翹首  
金風動闐闐鷓鴣終不羨冥鵬

### 一權

軍中公讌罷銜杯渺渺春波一權迴蕪約遠青浮隴合柳

搖晴綠過江來披衣捫蝨仍歸隱炙輠雕龍肯鬪才卻望  
鄉山遙在眼蓬門初報百花開

登六盤山作歌

卽隴山又名笄頭又名峯峯

今之瓦亭古蕭關隴山叢錯高插天迤北直趨朔方郡漢  
唐師出由其閒迤南六盤勢尤雄卓然踞地朝羣峯俯窺  
金城扼天水矯若八翼排長風當時問道軒轅迴秦皇漢  
武誇雄才六飛登山並騁望昔之旌旗安在哉連峯積雪  
照天白鳥飛蕩蕩不敢越秦川東望空茫然但聞隴頭流  
水聲嗚咽使人對此腸斷絕有元之世南道通從此徑達  
河湟中國朝因之遂不改懸軍萬里收青海爾來防邊諸  
健兒馳驅峻阪如坦夷邊郡轉餉歲不絕名王共入時有  
之傳車駱驛悉經此嗟峨長作西藩籬書生有筆徒縱橫

抵掌未勒燕然銘願假崆峒一片石上爲國家頌威德傳  
之三十六屬國率爾梯航萬世無終極

平谷山莊歌爲寄雲賦

青松吹風巖壑深舍南舍北流泉音生平涉想目未厯杳  
然已到盤山陰盤山萬疊接天起谷口白雲飛不止千峯  
忽斷橫漁梁日日雲飛化春水小桃臨水紅欲然溪柳含  
穉搖野煙波光盡處帶遠綠遙見萬頃桑麻田畝人得鯉  
喚沽酒叱犢芳原盡農叟山川如此真桃源此境世間安  
得有玉堂神仙衣繡衣年年夢向盤山歸盤山舊莊在平  
谷春猿長吟秋鶴飛粉墨到眼看不厭可惜止向圖中見  
領取宰相當十年鄴侯豈可名山戀吾曹自是山林人祇  
合歸從鄭子真布襪青鞵辦已久草堂無待北山文

叢臺行

邯鄲古道黃蒿沒老狐夜嘯叢臺月家家兒女解彈箏此  
地由來歌舞窟北枕滹沱南倚漳建國山東趙最强襄主  
寶符終取代武靈胡服遂開疆私門漸盛公家逼豪舉堂  
前惟食客窮巷猶多毛薛才美人半在平原宅箸書誰惜  
老虞卿好事空談趙括兵乍許直闕通上黨已聞銳士盡  
長平英風獨激魯連子攘袂不辭蹈海死終憑寸舌卻秦  
軍勝也安知天下士濁世翩翩未絕倫公子殊慚謀國臣  
莫向趙州更澆酒買絲當繡信陵君

馮譽驥字展雲高要人道光甲辰進士改庶吉士授編  
修官至陝西巡撫有緣伽楠館詩存

詩話展雲工八法爲嶺南人士所宗其詩典贍高  
華寄託遙深七律尤近義山張南山極稱賞之

雜詩

初日浴咸池翱翔扶桑間  
魂魂蕩元氣蒼茫搖天關  
火龍噴赤血出沒游黃灣  
遂使陽和散煥然徧塵寰  
願挽羲和鞭馳逐開心顏  
古來有十日代出相往還  
千年滄海頭燒破蓬萊山  
所以古夷羿仰射雕弧彎  
我欲一攬之惜哉不可攀

朔風班馬鳴邊草萋以綠  
戰士戍龍庭秋高肥苜蓿  
不見漢家營但見秦時月  
古驛零楊柳我室已蟋蟀  
代馬與越鳥苦思故林宿  
玉門有飛雁盡唱征人曲  
征人遠未歸霜雪寒無衣  
君思古離別歲暮定何依

龍門有奇樹矗立青冥齊  
上負千仞峯下臨百丈谿  
朝聞獨鵠號暮聽鴉鳴嘯  
漂風一以勁蒼翠千崖低  
桃李失顏

色檜柏難攀躋過者生愕眙陰陽無端倪調以伯牙琴安  
以九寡絲鳴蟲挂螻蟻飛鳥懾鷓鴣南枝與北卉嗟此落  
長隄

悠悠芳澤蘭猗猗修竹林湛湛青天月泠泠綠綺琴皎皎  
紅妝女寂寂無知音良人遠從役惜別淚霑襟寂寞餘空  
牀徘徊弄錦衾歡樂苦夜促離別怨宵沈飛鳥翔樹間索  
羣動孤吟願託一片影明此千里心

朝挾燕市客暮逢高陽徒狂歌一擊筑大醉盡百壺丈夫  
重然諾壯士輕頭顱千金何足貴溷跡爲狗屠慨想古之  
人吾儕亦狂奴

大雅久不作荆榛日縱橫誰能千載後粲然起芒精中夜  
理瑤瑟古調今難明惜哉黃鐘節不及瓦釜鳴趙女憂鯀

絃秦娥調繁箏藉非成連作何以移我情

擬古

秋夕不能寐攬衣起徘徊素月澹如此美人殊未來空彈  
綠綺琴誰傳白玉杯相思良不遠相望神已摧何處來清  
風吹我羅幃開

黎召民儀部以其先大父楷屏先生所藏玉板十三  
行帖見示並賦五言古詩要余題識儀部少孤嘗  
值鄰火母馮太夫人僅挈此帖出余感其事因賦  
長句以書帖後

黎君示我茗華刻東晉瑯琊有遺跡藏弄偏勞兩世心傳  
觀頗訝百年物當年購此鄱陽君同時題者文章伯翰墨  
緣深見素風尊彝器古留先澤從來雲煙倏聚散未必鬼

神真護惜通靈或戲長康畫佚書難誦河東篋得失自我  
無愧耳大懼典型付淪佚君家祕寶幾經厄鄰家中宵怪  
事發倉皇急啟晏嬰楹摩挲永近宣文室想當一炬光熊  
熊定有百靈呼出出我知精誠動真宰要使堅貞紹青白  
貫虹漫詡米家船委塵空幸岐陽碣夙思讚述苦未遑辱  
君今厠諸賢末薑芽斂手竊自愧敢從點畫論波磔風流  
庭樹悵哦松黯淡閨鐙欽畫荻請賡靈運祖德詩附題子  
固蘭亭帖

題李恢垣銓部東陵子役詩後

仙曹駿馬出皇都想見衣冠拜鼎湖玉座森嚴三后列翠  
旂明滅萬靈趨周原畢郢瞻王氣漢代高光表聖模卻望  
慕陵松柏路十年淚灑向蒼梧

食蟹歎

侵晨食指動水族來江湖主人出宴客四座咸歡娛座客  
且勿歡主人起長歎昔居江城二十年高秋置酒西樓前  
黃州估船日西上水鄉風味誇時鮮曉市喧呼盈筐賣百  
錢已得十數輩紅薑紫蓼紛堆盤往往輿臺足沾漑自從  
盜起西南隅黿鼉蹴踏風濤粗下逮蘄黃上沔鄂稻田萬  
頃成荒蕪漁師賈客久奔竄詎有斷火明菰蘆今年江漢  
賊甫退魴鯉差可充官廚下游咫尺當相失何況荆臺路  
遙隔公然蒲縛能遠致分與閒官添食籍潯陽九派聲喧  
逐連雲戰機臨江開芻菱饋餼苦不給戈甲轉鬪何有哉  
茫然對案令心哀

大孤山是日至湖口風利未泊

楚天雲雨太迷離  
臺殿參差動羽旗  
自綰髻鬟矜絕色  
卻教履舄入微詞  
迎神有待陳蘭藉  
過客無因謁蕙帷  
彷彿嬋娟餘歎息  
上清淪謫得歸期

江上聞歌

十五年前楚塞行  
竹枝三疊記分明  
嗁殘蜀魄猶餘恨  
吟斷巴猿祇費聲  
夜雨飄鐙聞驛館  
霜天落木聽山城  
豈知白髮滄江上  
一曲吳歌倍愴情

邊浴禮字夔友一字袖石任邱人道光甲辰進士改庶吉士授編修歷官河南布政使有健修堂集

陶鳧香曰袖石年弱冠所作詩已數千首博聞宏覽  
游中州李夢韶觀察以才子目之各體皆工激昂排  
真不主故常又曰余前官大名刻晚香倡和集載  
神石詩皆少作也既入翰林才益斂詩益工託意閒  
雅升沈枯苑未嘗攪懷由諫垣外簡官南汝光道時  
督師擊賊憂時感事慷慨淋漓駉駉決浣花之藩而

摩其壘詩又一變符南樵曰袖石抱經世之學有  
 憂時之志不得已而發之於詩今之有心人也保陽  
 感懷長律有云經綸期將相規架痛高曾又答芝  
 卿云名山期共訪時事勿多談胸中悲憤可知矣  
 詩話云石客陶鳧香大名郡齋襄訂畿輔詩傳有詩  
 紀事云歌到幽燕多感慨派分河北幾遜雄遺珠尚  
 欲徵家集搜玉終期繼國風又疊韻晚香來雨集  
 云箏琶幸附南音未標榜羞誇北地雄繼入沈西雍  
 幕佐輯常山貞石志大河南北山川古蹟題詠殆編  
 金石圖畫古物多入歌行藻韻並勝服官中外更歷  
 時變所作蒼涼悲壯詩體益峻兼擅倚聲出入草窗  
 玉田南皮張文襄公書目答問於當時詞集僅取其  
 空青詞及承子久  
 冰蠶詞兩家耳  
 雜詠

無鹽見西子詈彼工誨淫世主受其愚謂抱松柏心招之  
 入後宮妒寵恐不深妖情汗白璧利口鑠黃金承恩不在  
 貌矧復遭陵侵精衛空悲號填海稱冤禽

狐裘毛毳彫不及緜袍良八珍寡調變反遜餅酪香庸夫

侈外美爭效時世收試之利害塗束手愁悵悵風刀刺肌  
膚悔不謀蠶桑掘井不及泉何人恩渴羌流俗苦浮沈君  
子蹈其常

西方有聖人閔世抱憂戚願化磨羯魚長供眾生食智者  
笑荒渺愚者涉疑惑我獨俯首言此舉世難覲茫茫婆羅  
界慘慘尙谿刻但多真楊朱而無假墨翟生齒日繁滋誰  
能救飢渴

### 明內官監牙牌歌

牌長五寸寬三寸厚四分面鐫內

帶此牌勿許借失偽造陞遷者改寫兌換事故者  
繳監無牌不許擅入官禁違者治罪三十八字兩  
側鐫忠字號崇禎八年造八字皆楷書形式與明  
史輿服志合卽劉瑾傳之穿宮牌也劉若愚酌中  
志所載尤詳鳧薌先生  
得于保陽出示命作

有明璫禍古所無當頭委鬼紛毒痛四司八局各交煽十

二監勢尤睢盱深宮定制杜奸僞牙牌頒賜文攸殊尙寶  
司丞督雕造懸挂徧及羣奄奴遷階兌換借失罪重比列  
鎮麒麟符要嚴禁闈作譏察藉肅國柄防覬覦信王繼統  
鑿覆轍雷霆赫怒行天誅詎知積習驟難革枝葉雖剪存  
根株監軍督餉出無數秉筆掌印繁有徒飛魚滕襪出腳  
帽宮庭布滿豺狼貙居庸失守賊氛惡斬關揖盜充前驅  
我曹富貴自有在馬頭泥首千人俱烽煙悵天血流地九  
門一夕成榛蕪安民廠空夜棲鴿承運庫毀朝嘯烏可憐  
御用諸寶器雨淋日炙泥沙汙剔紅漆裂果園盒戩金耳  
碎宣銅爐瑤箱脂粉散狼藉宮扇彩翠昏模糊牙牌數百  
落何處反以微物全形模二百年來閱塵劫素質完好還  
如初上員中殺下微闈四角錯出承其跌中穿一孔貫縹

組環頂雲氣蟠縈紆正書深鑄四十四背刻繆篆斯邕如  
紀年列號存兩側崇禎八禩時非誣想當作佩繫犀帶色  
映袂襪金葫蘆略同鑄鐵肅門禁不比塗漆催軍租勝朝  
遺制儼然在摩挲俯仰增欷歔昌平風雨莽蕭瑟黃蒿碧  
蘚埋珠襦舊聞合補秀水朱長句試仿眉山蘇興亡過眼  
同轉轂一牌關係良區區

鄴中懷古

龍虎誰令出一門佛狸殘祚竟橫吞酒邊箏語元忠策稍  
底頭顱賀拔恩勅勒歌終消霸氣晉陽宮遠戀英魂鼓山  
石裂珠襦壞疑翳空傳賀六渾

渡永定河口號

茫茫桑乾河曉日浴其內長風鼓洪波湧作征人淚層冰

當路如斷山冰稜齒齒銜空船搪撐邪許百夫力失勢懼  
陷蛟龍淵河名無定良有因奔流歛忽愁煞人東西一髮  
闕來往那不束馬懸車輪桑乾河流不歇我來正值十一  
月馬蹏碎訇響寒鐵黃沙糝空吹作雪肌膚凍皸衣帶結  
役夫爭先矜利涉肩脊相摩轂相齧船頭唱歌興超越更  
無人念篋篋妾

石溝舟夜

澤國寒清峭扁舟夜杳冥雁聲低墮水魚氣暗搖星纖月  
窺林白深鐙向客青榜人相偶語明發待揚舲

寄楊彥卿

方輪不轉復何就早識神鋒讓曲鉤汗馬幾人能殺賊爛  
羊隨意取封侯基逢殘劫無良著藥付庸醫每誤投只有

君家好兄弟他年相約作閒鷗

秋晚過十刹海明相國園址

雞頭池涸誰能記淥水亭荒不可尋  
小立平橋一惆悵西風涼透白鷗心

望遠

時事憂晁賈騷心怨景唐  
檢書過日暮望遠及秋涼  
草野誰清議兵農泥古方  
崇蘭飽霜露耿耿歎凋傷

密字

密字刊章上紫清  
九霄雷電下砰訇  
布衣敢運回天手  
身角彌堅報國誠  
四罪尙嫌寬竄逐  
八荒佇望慶昇平  
陳東無恙汪黃黜  
此事尤彰帝鑒明

庚戌書事

帛書牛腹術堪驚採藥虛傳海上行豈有禁方貽扁鵲共  
欣陰道授容成觸邪直指眞名士執法雲司少定評太息  
諸公俱富貴又從富貴學長生

五公山弔王山人

餘佑

突兀晚峯晴翠環高人舊隱閉松關頻年桑海供憑弔一  
叟蘇門自往還落落乾坤餘大略寥寥著述葬空山遺民  
百六誰堪比祇有殷

岳張蓋伯仲間

京邸感懷三十二韻

身世艱虞裏乾坤慘澹時不才耽薄祿冷宦滯京師日馭  
瞻穹朗雲程歷險巖匡君慚汲戇違眾慕梁噫帝載高元  
默民生愴殿呶人方游泰宇禍忽起潢池天狗星飛燄蚩  
尤霧展旗負嶠謀尚淺出柙蔓方滋巨險長江失重城列

郡隳罷無當道卧士有執冰嬉廟略徒中制援兵總後期  
饑蛟狂喋血哮虎慘輿尸止相謀猷拙司農饋餉疲九州  
幾兀臬千里一瘡痕供職趨華蓋簪毫上赤墀分甘躬偃  
蹇坐閔俗撓漓嗣主欽明聖元臣競委蛇門開延眾枉屋  
濶隱高貲竊位臧文仲爲卿子叔疑患生憂得失智細混  
公私澳涖登三事灰頽任百司亂源深蘊結天步怯撐持  
宿將疇堪倚通侯謾自欺急應分玉石慎勿計刀錐虎翼  
摩雲橫旄頭落箭遲經綸期管葛吁咈望皋夔樸訥予滋  
惡迂疎眾共嗤買山乖夙願戀闕耿憂思橫草心空壯揮  
戈力未衰會看誅狡獪奚暇問狐狸痛哭長沙策悲歌杜  
老詩煌煌開國業八柱鞏鴻基

渡淮口占

彤華集詩卷一 四十五  
重裊金鞭按部還朱旗映日指雄關西風落葉長淮水小  
雪輕冰息國山薄劣敢矜爲政猛憂虞惟望濟時艱不須  
看鏡談勳業一夕清霜瘁旅顏

山行

局踦川谷行徘徊關山路歸雲渡清溪殘雪在高樹初晴  
南風轉細響暗泉注峯迴觸屣屨徑仄涌沮洳吳楚未解  
兵雍梁困徭戍險阻成通途戈鋌競奔赴野哭耳怯聞烽  
煙望增怖勳名嗟無成悔不老章句何時阪泉師一掃蚩  
尤霧

裕州道中

晨登雉衡墟迴望魯陽阪岡巒鬱綿互徑術蟠奧衍西通  
鴉路關南控龍泉堰形勢古所爭嶄巖名絕險云何當季

世來往屬夷坦羣盜聚如毛戈鋌此中滿敗則歸巢窟出  
則事焚燹豈無具官臣養寇信顏覲傷哉閭閻眾餒肉投  
虎贖念此懷悲悽長風動林巘丹忱悵難宣芳歲倏將晚  
借非宏濟才茲患疇能殄

堵陽古驛南有村曰獨樹瓦屋千餘家廛市互分布自遭  
賊火焚今年已二度垣牆俱赤立瓦礫塞衢路斬刈盡雞  
豚逃亡到童孺居民鳩鵠形羸老不堪訴待撫目苦暵餘  
生沫聊敢議令長非言之懼逢怒啞啞白項烏翻飛上  
荒戍野鳥尙戀羣殘黎獨矢據征車屢經過感激煎百慮  
縲馬黃茅岡蒼煙莽回互

讀史偶成

西京人物易消磨虛設賢良孝弟科誤盡宣元兩朝事鼠

奸難去虱臣多

方濬頤字子箴號夢園安徽定遠人道光甲辰進士改

庶吉士授編修歷官四川按察使有二知軒詩鈔

詩話子箴官京朝由翰林歷臺諫人不知其能詩及官兩廣鹽運使王定甫通政道出廣州子箴以詩集索序定甫稱其詩多且奇為不可測平生喜讀杜韓蘇三家詩常有句云游蹤已徧九行省門徑願窺三古人陳蘭甫題其續集謂力量愈充足工夫愈純熟工巧愈工巧真樸愈真樸蓋非虛語

將返韶州三至半帆亭有作

珠江小住倏言別蠟屐無暇登西樵抗塵走俗二十日幸  
遇良友樓僧寮半帆亭上足幽趣披襟久坐除煩囂浮萍  
得雨鋪綠錦密樹倚石成翠嶢高軒明敞繚虛檻迴廊宛  
轉通小橋此中大有濠濮意趺坐奚必鳴雙撓道州何子  
愛結客新詩滿篋酒滿瓢淋漓鬼趣佛國現蕭疎梅影空

堂招

貞翁題鬼趣圖並南唐古梅卷  
二詩予讀而愛之因索其藁

興酣放論藐今古境

地剗關詞高超我來索飲輒先醉戀戀渾忘重城遙海山  
一過仙子笑越臺風緊紅棉凋劇憐斗室夢難到花田池  
館鶯潭潮琳宮有緣竟三至樸誠相見無斲彫嗟予苦爲  
名利縛且復歸叩韶山韶雲天鵬翼任舒卷一枝竊比巢  
林鷓

浴日亭用東坡韻

星稀月墮曉鐘天放眼波羅江上灣濁霧盪開龍穴樹斷  
霞流過虎門山浮沈島嶼雙涵影軒豁乾坤一解顏夜半  
石樓同壯觀咸池疑在海中間

寄徐孟卿

志導

觀察時返揚州

去年君從夜郎來珊珊瘦骨如凍梅使我相見不相識五

月一把西園杯憶昔轟飲黃金臺舍人意態殊雄恢談兵  
虎帳倚長劍道路蹴踏驩開上谷四野甘棠栽召父杜  
母民皆孩繡衣持節行萬里烏撒未靖烽火災牂牁江邊  
往復回支離卧牀藥鼎煨有緣奉使到南海宛若得兩生  
枯蓼爲言頻年病纏絃宦味已淡名心灰六榕寺遠

君由六榕

寺移居關帝廟在署西偏

卜鄰近納涼煮茗時追陪世間何地非邱嵬

太息福萌旋禍胎林逋詩意善領略松竹慣結閒中媒黃  
岑插天高磊嵬度嶺橫舟湘水隈尺書迢遞附賓雁打鼓  
揚帆歸思催急流勇退洵壯哉先生自處材不材二分  
月總無恙蜀岡照冷青莓苔量珠束雪未易才玉山遜此  
白皚皚無聊且讀貨殖傳陶朱千古稱奇侅

答來書意

燕雀在

羅雉入罟故應戀棧忘駑駘乾坤到處可流寓謾云故里

生蒿萊詩酒碑兀還韞韞狂興那顧俗子哈我知腰腳陡  
然健隨風唾出皆瓊瑰厲園君寓伯符園中蹤跡希王裴舉觴獨  
少濠梁崔會須明歲別炎嶠去訪淮東蒼翠堆

曉行東郭外漫賦

白雲黏天暗春色雨洗木棉紅不得昂藏磊落嗟數奇野  
寺門前伴叢棘青山笑人終日忙三年未登聚龍岡玉簾  
低挂鶴飛去更誰邀瀑雙溪旁

十月二十七日度嶺作

捨舟登陸三日聞今朝飽看凌江山賓陽門外莽空闊洪

崖青嶂

二山名

紛嫋爛珠璣樓巷榜仍舊亭亭幾樹霜楓殷

老榕稚松滿巖壑萬緣嵌以荔子斑小春更比春景麗丹  
黃紫翠開心顏槐花塘邊路幽邃紅梅驛畔峯迴環曲曲

徐向螺殼轉娟娟況有蛾眉彎枝頭玉蝶正飛舞關南北各開梅

花一吟興勃發須臾間方思敲火品卓錫沙彌膜拜陳憂

患荒祠僅餘四壁在卻走龍象奔豺獍雲封寺曲江祠皆毀於賊十八

年前我曾到七梅痛已成枯菅相公風度且勿論大力能

鑿橫浦關功德及民禮宜祀微公鳥道窮躋攀雨淋日炙

塵網挂雲車風馬何時還雄州築郭費甚鉅此役不過數

百錢修舉廢墜有司責亟召匠作延輸般重安戶牖整櫺

構再施華堊除昏黷神兮妥侑降之福嶺南嶺北無恫瘼

暗香補種一千本花時行旅都忘艱前賢盛蹟半蕪沒我

方惆悵紅橋灣謂平山堂

曾詠字永言號吟村華陽人道光甲辰進士授戶部主

事歷官吉安知府有吟雲仙館詩藁

秋曉

重幃掩虛寂金穗落孤檠冰簟涼侵夢秋濤夜撼城星沈  
山壑暗日出海天晴引領靜中趣平林一鳥鳴

孫壽祺字子福太倉人道光甲辰進士授刑部主事歷  
官柳州知府有孫柳州遺草

郡齋遣興疊韻

一年十二月團團此日東風又送寒瓶鉢生涯猶故我薰  
蕪臭味奈同官傷春心緒愁來易隔歲家書盼到難且喜  
一龕彌勒共參禪閒作靜中觀

張修府字悔齋號東墅嘉定人道光甲辰進士歷官永  
順知府有小琅環園詩錄

曉登文殊臺觀雲海歌

石臺聳立層崖高振衣曉聽天雞號扶桑墮隴鞭六鼇陸  
離曼衍魚龍慶晴霞極目開神皋山靈好事不憚勞亟拓  
畫本催吟毫白雲微吐羣山坳乍如縷縷鵝繭縑漸如幅  
幅綃裁鮫麗如詞客曳錦袍壯如衛士擁采旄雲隨山勢  
萬疊包山盪雲氣千波濤樓閣隱隱鸞鳳巢帆檣出沒煙  
林梢山邪雲邪一氣交三十六峯俄溷滑天都端冕垂旒  
旂相對但見青蓮苞雲中仙人鼓琅璈手持天瓢斟玉醪  
醉我一石歌浪淘海市詩仿坡公豪天窮人阨任所遭狂  
來夢踏蓬山翔長風猛吹弱水舫白衣蒼狗紛爾曹萬人  
海裏供煎熬玉堂天上心切切

沈辰州前輩

元泰

解官歸會稽予屬稚蘅寫歸去來

辭意送之並題一詩以堅其志

仕宦慕歸隱，淵明獨千秋。先幾燭世變，匪直耽林邱。先生志康濟，本異沈冥儔。一麾寄邊重，恢抱無近猷。羣陰互構難，特立迥狂流。不爭赫赫名，與人徧歌謳。時危重進退，道大輕恩讎。郡符一朝解，蕭然鬱林舟。長沙住，卅月歸興難。淹留祖道二三子，古歡豁離愁。畫師出新藁，如入柴桑游。琴尊置疏落，松鞠環清幽。讀書得大意，神交在前修。行藏古今合，詎論蹤躋侔。彼哉受形役，名利從羈囚。見事一不決，夜行無時休。矧茲燎原禍，厝火由人謀。滔滔不知返，非徒折腰羞。願君保晚節，養真越山陬。有書插盈架，有秫收滿篝。僻居勝南村，素心話綢繆。佳兒邁通子，傳經得箕裘。豈曰痼泉石，國恩終當酬。待時善乘化，此樂踰王侯。羨君益自愧，世網輕身投。負米梗無路，一官落蠻州。萬事等芻

狗思親淚難收得歸誓投効沒齒依松楸苟慰菽水願榮  
名本浮漚從吾師丈人田水聽西疇

慢興

秋陰漠漠院生苔被冷黃綢曉夢回天與愁人蘇病骨滿  
山涼雨送詩來

興來自撥牀頭甕公退惟看屋角山鎮日貍奴守殘帙一  
椽權署小琅環

半醉談兵氣尙雄短衣長劍夢從戎十年猿臂閒無用野  
圃斜陽試柘弓

灌蔬抱甕分泉溜護竹編籬放翠梢僮約粗完兒問字殘  
詩忙課小胥鈔

判牘排衙亦偶然苦吟聲裏突無煙蠻州官况高寒甚入

定禪僧辟穀仙

三生不作黨家姬  
略似朝雲伴海涯  
不合時宜君亦爾  
畫添詩課夜臨池

谿州銅柱

天南一柱鎮遐荒  
割據英雄異姓王  
粵海趙陀崇正朔  
燕然班固擅文章  
中原已灑銅駝淚  
絕域猶誇鐵馬祥  
想見登壇醜酒日  
萬山高接陣雲蒼

碧湘宮闕劫塵哀  
故堞靈谿亦草萊  
彭宣慰故城在永順施溶保邊郡

百年歸版籍  
雄文千載護風雷  
相傳柱有銅頂墮水中滄石易之爲轟雷擊去

桑金石留陳蹟  
戎馬乾坤失霸才  
五嶺滇黔愁倣擾  
幾時

磨盾勒銘來

李映葵字香雪宜賓人  
道光甲辰進士  
歷官湖北候補

知府有石琴詩鈔

詩話香雪初宰江左自沛移贛榆以憂去改發楚北頗爲胡文忠所識拔文忠督師出討委以留臺之政爲其詩作序

亟稱其能

伯牙臺

高山不在山流水不在水天下善音人但默會其理天下知音人但微契其旨山水無古今知交有生死茫茫天地間賞音能有幾我過伯牙臺輒思焚綠綺

過隨州書妖人趙光壁事

秀才造反真怪事投書忽起窺神器天鍾戾氣大洪山何物仙人太游戲某也當爲王某也當爲帝某也大將才某也宰相位仙筆一一分位置黃旗一舉驚天地一戰隨州破再戰安陸棄乾坤反掌只尋常真人重瞳殊自異那知

鐵騎從天來如貓攫鼠鷹搏雉井底蛙跳空自尊籌中狐  
鳴何足恃始歎作賊固自難不如學作時文易寄語人間  
諸秀才總須安守頭巾氣

天興二年都尉司銅印

印爲武昌土人掘濠所得天興金哀宗年號

古印沈埋久尙傳共將磨洗認銅仙晚霞世界依然否愁  
說天興第二年

恩霖字湛卿滿洲旗人道光甲辰進士歷官湖南同知  
有坦室詩草

春怡園爲穆耕珊舅氏別墅甲午秋重過亭榭半圯  
壁間石刻名人詞賦尙存

疎篁瘦石掩蒿萊煙鎖頽垣暗碧苔水閣梁空春燕去歌  
臺秋老野花開圍棋舊乞羊曇墅作賦還思宋玉才歷落

青衫仍故我臨風惆悵感重來

驛柳

毵毵垂柳繞長隄古驛荒寒鴉亂唳暮雨乍收官渡口夕陽都在板橋西折來馬上春猶在舞到風前影太低曉色遙看起歸思不堪鄉夢易迷離

游桃源洞

洞口沈沈罨綠陰風泉吹落碧雲深仙源未必無尋處至竟誰存避世心

汪錚字鐵庸桐城人道光甲辰進士廣東卽用知縣有知德軒詩鈔

登金山

塔影聳寒月江聲撼夕陽蛟宮蟠地脈鴛瓦接天光慷慨

停孤棹登臨更上方千秋遺恨在杯酒弔靳王

至道州署

急篙投入瀟川去汨汨迎來舞壑蛇路轉千山見城郭到  
爭四日隔年華當門樹色垂青幄徹夜灘聲湧白沙喜有  
鄉人三數輩不教岑寂向天涯

林昌彝字惠常號薌谿侯官人道光甲辰進士有衣襪

山房詩集

詩話薌谿研精經術著有禮通釋及小石渠閣經  
說從來治經之士兼長詩筆代不數人陳恭甫乃稱  
薌谿之詩直合亭林竹垞為一手未免阿好薌谿論  
詩絕句一百五首於嶺南三家欲視藥亭而配以二  
樵又進蔣茗生退趙  
甌北皆具有別裁

同秩庭飲臨江樓

萬樹蒼茫際飛來兩白鷗江山此杯酒風月又扁舟蘿帶

碧綠岸菜花黃上樓平生足懷抱未倦陸機游

箋經南嶼煙雲樓

煙郭雲臺遠近窗閒來把釣上漁艘桃花臨水魚盈尺楊柳當簾燕一雙瀉屋露華供石硯入樓山影覆銀缸斜陽晚步瓜棚外偶看農人種豆莊

將歸福州留別及門沈幼丹太史

蒼茫天地易斜暉萬里征塵上客衣秋色西來山北向江聲東去雁南飛干戈經歲民方困關塞驚寒我欲歸策馬躊躇與君別獨憐臣朔正呼飢

譚瑩字兆仁號玉生南海人道光甲辰舉人歷官瓊州

教授加內閣中書銜有樂志堂詩略

詩話玉生幼穎悟於書無所不窺尤長於詞賦爲阮文達翁文端所激賞以文行游式鄉閭性坦率與人

交不作應酬語若與論學術是非人品心術邪  
正詩文得失咸推勘入微凡所譏訶悉中癥結

畫墁堂夜坐

庭空半殘月螢火入涼煙竹柏影成畫香花心悟禪倦游  
疑隔世多故逼中年靜境無人共支琴獨未眠

至樂

已無親養總尋常獨以官貧去住忘至樂藹然依骨肉求  
工無益悔詞章出山最苦難低首游世何容太熱腸舊日  
酒徒猶未散拗花同醉綠陰堂

鏡檻

鏡檻無人月似冰落梅依舊影峻嶒大聲豪甚當關僕鶴  
夢恬於退院僧故宅未嘗經喪亂素交甯忍問衰興田園  
易主兒孫在插架何當付羽陵

陳克家字梁叔元和人道光甲辰舉人候選教諭殉難

有蓬萊閣詩錄

詩話梁叔詩思力骨韻俱超俗有贈人句云師法不推吳祭酒豎壇可壓沈尚書可見微尚最為姚石甫所賞孫芝房謂當時大江南北詩人以徐毅甫魯通父及梁叔卓然鼎峙皆能自樹立高視人表者梁叔倦游不遇咸豐初客張忠武國樞軍中同殉難故晚年詩不傳

除夕

此夕千古有平生志多慨萬物無常盈智者見未逮昔聞  
乾嘉際茂暢皇風最治法各精能餘巧及器械世平衣食  
充俗整奇邪退九重敦舊典數舉南巡旃朝野同驩娛遭  
逢 聖祖再盛年非不長適已後其會輪租困履畝游食  
增幾輩華風縱侈心番物助妖態羅紈窰人衣珠翠寒女  
佩豪家蕩篋笥單戶務賒貸繁華日以加生理固早隘上

農膏腴地稍稍棄鋤耒江湖盜賊踪時時及闐闐里閭歡  
節序父老感時代吾行宙合間落拓與時背飢寒得離別  
奔走寡沾漑小筆聊送窮鄰估未償債虛檐出浩歌孤燭  
憂心對歲運默推移持妬必以夫官方習修謹聖政實寬  
大文書檢亂絲老吏頗能耐英賢尙割斷扶濟有規誨徒  
言撫黎元何以酬鼎鼐清時少年痛此事前人戒本無來  
日計安取狂言快惟當守樸直益自謝傾兌文采世土苴  
冰蘖古節概夜闌復題詩爆竹一城碎

江上夜泊

射虎南山空沒羽釣鼉東海憶垂綸短檠聽盡沙洲雨今  
夜蘆中卻有人

秋夜和方植之

東構  
丈

葛衣初解暑方殘  
夜罷溫經輒倚欄  
松月已斜猶滿戶  
海雲自落不歸山  
修翎本志樊籠外  
穴土無功筆硯間  
覽鏡人知非食肉  
獨憐塵土尙朱顏

雲青馬歌

江龍門於都中得雲青馬乃揚昭勇侯在西域征張格爾時所獲者有詩屬和

天山坑谷如履夷  
將軍事畢詩人騎  
古來贊馬千萬語  
不如轅下逢相知  
皇師輾轉夙深討  
裴李臨軍功始表  
天生神物應時須  
重見雲青出橫掃  
清時誰敢議邊才  
三十六城空壯哉  
但使孫陽行不到  
莫嗟絕域老龍媒

夜坐寄稼軒

清寒方酒醒  
虛館若山深  
一寂捐詩病  
千哀起道心  
暗蛩霜索響  
枯樹月移陰  
歲晚歸船急  
應憐獨夜吟

游崑山弔徐健庵尙書傳是樓故址晚與數客飲山

下酒家

前山坡陔後山孤清秋一客窮嬉娛山前落日看平蕪東  
海書樓片瓦無當時兄弟遭明聖賓客獨誇司寇盛東南  
遺逸記鴻文輦轂人才歸藻鏡相國立朝持謹言本朝補  
諡當誰先洞庭歸來縱遺議平生風雅猶高騫編插斯樓  
萬丈光那知倏忽竟銷亡并無舊話桐陰續空有遺篇錦  
篋藏君不見橫雲山莊開史局兩行羽伎森紅燭百年文  
物數江南豈意故家盡零落看山莫負草堂新山月亭亭  
射酒尊世上堅牢定何物古來興廢不須論

海門庵

鐘聲吹落大荒東門掩蒼苔亂石中江海潮來人未覺環  
山萬樹已秋風

章邱懷顧亭林先生

淚盡冬青樹上枝，田歌義等採薇詞。  
老爲北客心猶壯，隱異南陽事可師。  
結屋不愁無隙地，荷鋤誰分枉清時。  
逸民曠發儒林藻，汗簡長留百代思。

再題蓬萊閣

神仙富貴尋常事，獨愛人間汗漫游。  
明月青天思太古，畫欄碧海倚新秋。  
八荒無復藩籬限，一世眞悲生死流。  
他日夢中向空闊，笑橫長笛弄扁舟。

聞石甫先生蒙恩赦復官四川奉寄

天末旌旗氣獨森，翻令驕虜恥爲禽。  
交章附和時流議，一斥徘徊聖主心。  
幾見捷書傳驛上，共忘烽火照江深。  
陳湯功罪憑誰訟，曾有軍民涕滿襟。

綰綬重爲萬里行主恩誰重復誰輕蜀門遠上青天窄海  
島歸來白髮盈直道果難諧世俗左官猶足見平生無因  
一送楊臨賀西望長江落日明

記事

遺草燒殘事可憐誰令尸諫昧當年欲憑一疏除羣蔽空  
抱孤忠入九泉神室有靈驚白晝史家何據紀青編廣平  
不獨風微歎從古生兒幾象賢

題分湖柳氏草堂

清明已過樹森森笠澤分流路慣尋人語舫聲諸港曉水  
痕雲氣一湖陰田園物外真幽絕鄉井書中感易深安得  
一春常買酒柳天橫櫂對鳴琴

錢炳森初名銘恕字子方號芝舫嘉興人道光甲辰舉

人有邠農偶吟稟

夜

斗室一燈明悠然萬慮清  
疏鐘鳴古寺宵柝警寒城  
月凍黯無色星移鏗有聲  
鐵衣征戍苦安坐愧儒生

甲寅四月出都途中述懷次許星叔庚身韻

坂經九折敢馳驅險阻親嘗我馬瘖  
未靖烽煙多戰壘誰諳韜略論陰符  
馭夫詭譎刀藏腹石徑嶽崿劍割途  
欲遣閒愁沽濁酒三蕉小飲學髯蘇

喔喔雞聲旅夢殘平心自覺世途寬  
萬重山向雲中立半夜潮曾海上看  
還讀從教商舊學娛親端不羨高官  
同行幸有詩人在牛耳先盟幟樹壇

袁梓貴字仲芳一字琴知高要人  
道光甲辰舉人有小

潛樓詩集

詩話琴知弱冠應試受知於戴文節公四上春官不第歸里課徒自題所居曰小潛樓所為詩於沈博絕麗中時存庸哨氣一如其文身後遺藁零落其友梁芷生輯而存之

江梅

澤國荒城暮歲寒誰問津滄江滿風雪猶自一枝春孤影澄波媚疏煙澹月皴遙天何處寄恐觸怒蛟鱗

孤雁

寥落竟無侶清高生遠愁風霜片影急天地一聲秋四澤徧繪繳孤飛何處投故羣自粲稻嗟爾若為謀

讀元次山春陵賊退二詩有作

漫叟儒者官嗟官賊不如本詩語賊民雖在官異哉更在儒

官本他鄉人爬搜幸終疏儒實我族類反噬完膚無借問

腐體瘡何如附骨疽公然闖庭場罔獲陷阱俱儒形盜官  
勢官氣官眉鬚呼爾諸縉耆我前當囁嚅我雖爾等夷我  
與官爲徒嘻爾城狐鼠無煩爾追呼乞爾爲蚤蚤吾將爲  
巨虛嗟爾漏網凶親援亟苞苴翼卵我有權安歸虐同閻  
咄爾身家民來來勿趨趨勿言桑梓情膚蝨食在膚勿言  
創痍傷肉盡骨尙麤賊剝爾九百我不當千蚨此外紛窮  
黎賊雖不爾荼我將竭澤取集瘠能成腴尙有羣儒酸橐  
筆來于于勿曰同類爲齏黃當金輪我橐尙無底實中需  
金珠我膳薄雙雞備物需庖廚我黨私百千虛屯需祿精  
矧不厚所斂何物爲官諛誰歟者違言視此官牒符下言  
鄉井衛上言軍國需公名快私虐良法供奸漁癘結邪勿  
攻更剝元氣虛死自病者受醫祿日獲余長官知未知道

已民氣舒不然胡樂輪樂輪羣賢劬何以謝羣賢昇爾斧  
鉞鉄日括腦肺肝膏華飾田廬日飽髓血脂光澤豐腰軀  
峩峩復峩峩形虎而骨狐堂庶坐駟僧衣冠紛隸胥豈無  
舊蘭蕙一朝化茅茹或方嚇鳳皇或且歌卽須誰能絕人  
命以作時世趨用本詩語大笑行出門靈均方卜居卽持漫叟  
竿歸釣端江魚紛紛投餌來旣得復棄諸舍情語陽鱗恐  
無食汝餘

### 舟次觀雪後山

船窗觸紙睜凍蠅隔窗喚山山不膺天公戲罷地媪笑雨  
玉雖幻殊難矜巨靈別逞白描手粉本萬里鋪素綾皴劈  
湛起水晶粟捏凸細斲玻璃層紛如鎔錫瀉盤水奇狀錯  
鑿嵌水銀妙如技演目巧室空青府築峯礪礪又如鹹海

曝鹽溷熬波出素堆邱陵忽然化作銀濤萬疊湧欲流不  
流疑有白馬犀甲藏威靈魏宮戶洞誤屏隔南山樹盡繫  
絹勻玉獅嗅地背毛毵白龍仰天鱗甲騰玉女縞素冷逾  
豔爛簪白奈鬢髯鬢兒孫荀列信如玉未免卅角皤堪憎  
是空是色絕擬議但見苦日偷露光摩稜遠視更有羣玉  
藟又不知是山還是積雪之凍凝便思移入廣寒殿萬八  
千戶依峻嶒不然直作泰山倚縱有陽炙猶堪憑空恨可  
望不可卽毋乃瓊宮瑤島骨重難飛登我時眼刮明遠鏡  
眉峯隱隱生涼冰捫心已信玉壺裏但恨塊壘澆難平袁  
安雖僵亦云樂如此卧游得未曾方山冠聳起摩頂頭銜  
直借吾知能

周元圭字逸甫吳江人道光甲辰舉人有吟秋館詩草

李壻 齡壽 將之浦東有感

四海烽煙警孤舟  
襪被游憐余貧病累  
動爾稻梁謀燕幕  
棲難定魚書望早投  
加餐期努力莫漫擾鄉愁

垂老難爲別挑鐙夢不成  
飢來輕遠道亂後痛餘生  
身世飄蓬感關河倦鳥情  
故園風雨夜相與計歸程

晚晴蓀詩匯卷一百四十五終